

1854. 28. águst. úr því, hverjum sveinum skuli leyft að nota kennsluna í ensku og frakknesku, öðru málinu eða báðum, og að banna þeim þessa kennslu, ef að honum þykja þeir ekki færa sjer kennsluna vel í nyt, eða að hún standi þeim fyrir framförum í öðrum lærdómi.

2. Stjórninni þykir ísjárvert að taka menn inn í skólann, sem ekki eiga að læra, og ekki eiga að taka þátt í kennslunni í gömlu málunum, af ástæðum þeim, sem yfirstjórn skólans og kennsluumsjónarmaðurinn hefur í ljósi látið.

3. Stjórnin er því ekki mótfallinn, að skólameistarannum verði gefið vald á að selja á uppboðsþingi bækur þær, sem ekki er gagn að halda í bókasafninu, og verja andvirðinu, eins og hann hefur stungið upp á, þó skal sýna yfirstjórn skólans skrána yfir bækur þær, sem selja á, og skal hún samþykkja hana.

4. og 5. Stjórninni þykja ekki nógar ástæður fyrir þessum greinum til að fara eptir uppástungum skólameistarans eða að ákveða gjörr en gjört hefur verið um þetta mál.

6. Stjórnin fellst á álitismál yfirstjórnar skólans um það, að engi þörf sje að gjöra nákvæmari ákvarðanir um það efni.

30. águst. **14. Brjef innanríkisstjórnarinnar til stiptamtmannsins og amtmannanna á Íslandi um yfirgang útlendra fiskimanna (duggara) á Austfjörðum.¹**

Sýslumaðurinn í Norður-Múlasýslu hafði kvartað yfir því, að útlendir fiskimenn frá Írlandi, Englandi og Frakklandi gjörðu lands mönnum ýmsan ágang móti lögum og rjetti. Stjórnin fól því sendiboðum konungsins í París og Lundúnum á hendur að mæla móti yfirgangi þessum, og hlutast til að slíkt gengist ekki við framvegis. Stjórnin hefur nú fengið svar upp á umkvartanir þessar frá stjórnendum þessara landa, og hefur hin frakkneska stjórn sent málið hlutaðeigandi embættismanni til nákvæmari

¹) Í brjefi frá innanríkisstjórninni til stiptamtmannsins og amtmannanna 25. septemb. 1854 skýrir frá því, að enska stjórnin ekki geti komið því við að senda herskip til Íslands fyrri en næsta sumar (1855).

rannsóknar, en enska stjórnin lofaði, þegar fyrst yrði sent her- 1854.
skip á fiskistöðvarnar við Ísland, skyldi hún fela skipherranum á 30. ágúst.
hendur að rannsaka nákvæmlega það sem klagað hefur verið
yfir, og skýra stjórninni frá því sjer í lagi.

**15. Brjef innanríkisstjórnarinnar til stiptamtmannsins 21. septbr.
um skilning á verzlunarlögunum 15. apríl þ. á.**

Stiptamtmaðurinn hafði sent stjórninni fyrirspurn bæjarfóet-
ans í Reykjavík um þessi atriði:

1. Hvort að kaupmaður, sem er heimilisfastur á Íslandi,
og vill taka utanríkisskip á leigu, getur, samkvæmt lögunum um
siglingar og verzlun á Íslandi 15. apríl þ. á., beðið með að kaupa
íslenzkt leiðarbrjef, þangað til skipið komi til Íslands, og ef svo
er, hvort leiðarbrjefið gildi þá fyrir ferðina aptur til útlanda
innan 9 mánaða, og

2. Hvort að verzlunarmaður, sem er heimilisfastur á Íslandi,
þarf að kaupa nýtt leiðarbrjef, þegar skipstjóri kemur til
Íslands með fermt skip, og hefur keypt leiðarbrjef, eins og fyrir
er mælt í 2. gr. áður nefndra laga, til þess að verzla í landinu,
og íslenzki verzlunarmaðurinn vill síðan taka skipið á leigu til
að flytja farm þaðan, og ætlast ekki til, að skipið komi aptur
til Íslands.

Stjórnin svaraði á þessa leið:

1. að það megi að sönnu kaupa leiðarbrjef á Íslandi, þegar
þannig stendur á, eptir lögunum 15. apríl þ. á., 4. greinar
seinustu klausu, en gildi þá einungis fyrir ferðina til Íslands
og frá Íslandi, og fyrir þær ferðir sem farnar eru hafna á milli
á Íslandi, en ekki fyrir ferð til landsins aptur.

2. að ekki þurfi nýtt leiðarbrjef, þegar þannig stendur á,
samkvæmt 4. gr., endanum á fyrstu klausu, þar eð leiðarbrjef,
sem búið er að kaupa, gildir bæði fyrir ferðina til Íslands og
frá Íslandi, hver sem svo hefur skipið á leigu.